

## **Iniziativis pes Zornadis europeanis des lenghis**

Dal 2001, ogni an, ai 26 di Setembar il Consel di Europe al celebre la Zornade europeane des lenghis. Ancje a Udin a son previodudis tantis iniziativis te suaze de setime edizion des Zornadis europeanis des lenghis, inmaneadis dal Centri interdipartimentâl di ricercje su la culture e la lenghe dal Friûl (Cif) de Universitât di Udin, Region Friûl-Vignesie Julie, Agenzie regionâl pe lenghe furlane (Arief), Provincie e Comun di Udin, Societât filologjiche furlane. Joibe ai 4 di Otubar, aes 11 e mieze di matine, li de Biblioteche civiche «V. Joppi» presentazion dal progjet «Biblioteca virtuale/Biblioteche virtuâl». Aes 4 e mieze daspomisdî a Palaç Belgrado, si tignarà la cunvigne «Un teatri stabil pe marilenghe: istituzions e operadôrs teatrâl a confront». Intervents di Alberto Bevilacqua, Claudio De Maglio, Angela Felice, Renzo Lavia, Renato Manzoni e Michele Mirabella. Par concludi, vinars ai 5 di Otubar aes 10 di matine, intal auditorium Zanon a Udin, incuintri cui arlêfs des scuelis superiôrs e dal ateneu «Per le strade d'Europa», inmaneât dal Cif de Universitât dal Friûl. A cjaparan part docents e ricercjadôrs dal ateneu e esperts di minorancis linguistichis.